



Kluba programo:

Majo:

6. **Ahmad Mamduhi (IR):** Nuntempa ILEI: kion ni faras kaj kion ni planas fari.



13. **John Wells (UK):** 'Eklogo pri la Sankta Afero' de W. Auld (*ĉeeste en Highbury*). + Konsilantarkunsido.



20. **Lode van der Velde (BE):** La eldonejo Libera.



27. **Irek Bobrzak (PL):** Varsovia Vento.



Junio:

3. **Alessandra Madella (IT):** Instrui en Eŭropo, instrui en Ĉinujo: kulturaj diferencoj.



10. **Ruth Keves-Cohen (USA):** La kurso Duolingo: historio kaj problemoj (*ĉeeste en Highbury*).



17. **Danka Leyk (PL):** Amo - kiel esprimi sentojn.



24. **James Hawkey (UK):** La okcitana kaj la kataluna en Francio.



Lokoj, horaroj kaj aliaj informoj:

LEK kunvenas vendredvespere. La duan vendredon de ĉiu monato la kunvenoj estas surlokaj kaj okazas en la nova renkontiĝejo en Highbury. La ceteraj kunvenoj okazas en la interreto per la sistemo Zoom. Ĉiuj renkontiĝoj komenciĝas je la 19h (UTC+1). Klubanoj kaj vizitantoj, proksimaj kaj foraj, povas do ankoraŭ havi la eblon partopreni en la kluba vivo.

Novaj spektuntoj de la interretaj kunvenoj bonvolu peti ligilon al la proksim-vendreda Zoom-renkontiĝo de la sekretario.
lek.sekretario@gmail.com.

Haveblas ankaŭ, ĉe Jutubo, registraĵoj de prezentoj jam okazintaj. Bonvolu viziti **mallonge.net/LEK-jutubo**

Atentigo:

La retadreso lekregistristo@btinternet.com por kontakti la registriston de la klubo ne plu validas. Bv. kontakti tiun per nia retejo:

<https://londonaesperantoklubo.com/Kontakto.html>

Mesaĝo de la prezidanto:



Karaj klubanoj,

Mi dankas, ke vi elektis min kiel prezidanton de LEK dum la lasta jarkunsido. Tio estas granda honoro. Kvankam mi estas membro de la klubo de pluraj jaroj, kelkaj el vi ne konas min des pli, ke en la pasintaj du jaroj, niaj vendredaj renkontiĝoj fariĝis virtualaj. Mi nomiĝas Anthony Bodineau, originas el Francujo kaj laboras kiel programisto. En 1999, mi translokiĝis al Londono por du jaroj sed, pli ol 23 jarojn poste, mi ankoraŭ ne havas planon retransiri la Manikon. Laŭmemore, mi esperantistiĝis en 2015.

Mi dankegas al Olga pro ŝia laboro kiel prezidantino dum la pasintaj dek du monatoj kaj al Anica, kiu estis la registristino dum multaj jaroj. Ambaŭ restas konsilantoj de la klubo. Dankon ankaŭ al la aliaj konsilantoj, kiuj ĉiam laboras diligente kaj bonvenon al Alexander Ord, nia nova (kaj plej juna!) konsilanto.

Grava tasko ĉi-jare estos la modernigo de nia regularo, kiu bezonas esti reviziita por la 21-a jarcento. La konsilantaro baldaŭ sendos al vi la novan version por scii, kion vi opinias pri ĝi. Post eventualaj modifoj, ni espereble oficialigos ĝin dum la venonta jarkunsido en 2023.

Mi ĝojas, ke, finfine, post pli ol du jaroj, ni denove povas renkontiĝi ĉeeste. Nia nova kunveno estas en Highbury (vidu la adreson sube maldekstre. Mapo kaj informoj pri kiel atingi la kunvenejon troviĝas sur la dua paĝo). Ni renkontiĝos tie la duan vendredon de ĉiu monato ekde la 13a de majo. Tiun vesperon John Wells legos kaj pridiskutos la poemon "Eklogo pri la Sankta Afero" de William Auld. Komence de julio okazos nia tradicia promenado en Londono. La dato estos anoncita en la venonta bulteno, retmesaĝe kaj en nia retejo.

Vi certe scias, ke LEK ofertas retajn kursojn de Esperanto je diversaj niveloj. La listo estas trovebla en la retejo (londonaesperantoklubo.com). Ni instruas nun al pli ol cent lernantoj ĉiusemajne per Zoom. Se vi ŝatus helpi, kontaktu nin. Ni ĉiam bezonas instruantojn.

Finfine, mi rimarkis, ke la membroj de LEK estas tre silentaj. Ni tre malofte aŭdas de vi. Ĉu vi ŝatus nian vendredan programon? Ĉu vi ŝatus ŝanĝi aŭ proponi ion? Nun, kiam eblas renkontiĝi denove ĉeeste, estus bone organizi novajn kaj diversajn eventojn en Londono. Sciigu viajn ideojn al ni!

Amike, Anthony

Grava Anonco

La klubo rekomencos siajn ĉeestajn kunvenojn ekde majo 2022. Ili okazos unu fojon monate, la duan vendredon de ĉiu monato. La unua kunveno okazos la 13-an de majo.

Tiun vesperon John Wells legos kaj pridiskutos la poemon de William Auld 'Ėklogo pri la Sankta Afero'.

La nova kunvenejo troviĝas ĉe **Highbury View, 89 Ronalds Road, London, N5 1XQ** (<https://goo.gl/maps/jNtGf5AcG68ogPrq6>).

Vidu mapon por ekscii kiel atingi la kunvenejon de la metrostacio 'Highbury & Islington'. Temas pri pli-malpli 10-minuta piedirado. Por eniri la kunvenejon, oni bezonas enirkodon. Ĝi estos dissendita per retmesaĝo antaŭ la kunveno. Se ni ne havas vian retmesaĝadreson, bv. kontakti la sekretario (T. 07399 273515) por havi ĝin se vi intencas ĉeesti. Ekster la enirejo estos afiŝo kun kontaktonumero por tiuj, kiuj hazarde alvenos sen la enirkodo.


Kiel atingi Highbury View:

Metrostacio: Highbury & Islington (linio 'Victoria')

Fervojo: London Overground (Highbury & Islington) kaj Great Northern (Highbury & Islington aŭ Drayton Park).

Autobusoj: 19, 263, 271, 30, 43

Mapo:



Universala Kongreso 2022

La 107-a UK okazos en Montrealo, Kanado de la 6-a ĝis la 13-a de aŭgusto 2022. Restas ankoraŭ tempo por aliĝi. Pli da informoj kaj la manieron por aliĝi vi trovos ĉe uea.org/kongresoj/alighilo



Re-membriĝu al LEK por 2022

Se vi ankoraŭ ne re-membriĝis al LEK, sciue ke tion vi povas fari facile en la interreto ĉe <https://londonaesperantoklubo.com>

Se vi ne havas aliron al la interreto aŭ deziras pagi alimaniere, bv. kontakti la sekretario (T. 07399 273515) aŭ la kasisto, Arturo Prent, dum la ĉeestaj renkontiĝoj.

Skota Kongreso

La ĉi-jara skota kongreso okazos en Dunfermline ekde la 27-a ĝis la 29-a de majo 2022. Laŭplaĉe aliĝintoj al la kongreso povos ankaŭ partopreni en ekskurso la 30-an. Skotlando.org/kongreso-2022.



Londona Esperanto-klubo



Funkciuloj

Anthony Bodineau (Prezidanto), Olga Kerziouk (Vicprezidanto), Matt Peperell (Vicprezidanto), Arturo Prent (Kasisto), Renato Corsetti (Sekretario), Terry Page, Anica Page, Antony Rawlinson, Phil Housley, Alexander Ord (konsilantoj).

Maurizio Giacometto (kompilisto de la Bulteno).